

Fwen Fuengzre Binghrao Sinhgvanh Binghdoeg

Dingj Hingz Binghdoeg

□ Veiz Couyiz

Seizneix daengx Cungguk,
Bae buek hoenx binghdoeg;
Dwg Vujhan cei q doeg,
Hoenx coeg ndaej cei q haenq.

Gij binghdoeg feiyenz,
Cienz hawj vunz gig rengz;
Banhlah daeuj daengz deng,
Cix seng ok nyapnyuk.

Raeuz Cungguk gij vunz,
Yaek ciengxlwenx yawhfuengz;
Gaej hawj binghlah cuenz,
Aeu muenx sim dingj hingz.

Cungj bingh neix banh ri q,
Beij feihdenj lij haenq;
Raeuz caen lwgda raen,
Goi cibfaen lauhei q.

Cungj bingh neix bingh rangq,
Yaek au yawhfuengz ndei;
Bingh neix bingh boihseiz,
Raeuz au meiz(miz) banhfap.

Aeu cih yiemz dang daeuz,
Raeuz gaej hawj miz laeuh;
Yaek gaenj bae fuengz caeux,
Ndei coh raeuz vunzlai.

Deng gug boux gug cam,
Yaek gug ranz gug hwnj;
Cam daengz couh yaek lwnh,
Gaej swnh lwnyeiz hei q.

Hwnjbauq yaek gibseiz,
Meiz(miz) vwndiz mbouj ceng;

Ciuq cidu bae hengz,
Cungj yaek deng cauheck.

Ndaw singz caeuq gak mbanj,
Yaek ranzranz guenj caez;
Gaej hawj luenh haeujbae,
Daihgya caez louzsim.

Gaej luenh bae dajcunz,
Fuengz binghdoeg haeuj ndang;
Youq ranz hix dwg bang,
Doiq lwglan fucwz.

Youq ranz yaek haeujeiq,
Hawj hoengheiq riuzdoeng;
Yawhfuengz mbouj cuengq soeng,
Cueng doeng binghdoeg deuz.

Nyengh au deng okbae,
Gaej lumz daep goujcau;
Cibfaen miz bizyau,
Baedauq yaek swiq fwngz.

Geiz cienzlah ndaej hoengh,
Guenjleix au loengh ndei;
Cwngfuj vwnzgen meiz(miz),
Aeu guh ndei fuengzre.

Fuengzre cei q cungyau,
Baugau au gibseiz;
Daihgya yaek geiq ndei,
Neix gven daengz vunzlai.

Gangj bae youh gangj dauq,
Fuengzre cungyau lai;
Rox fuengzre dwg gvai,
Raeuz wnggai gag rox.



Fwen Dingj Binghdoeg Sinhgvanh Feiyenz

□ Dangz Siujvahn Vangz Yinghmeiz

Ngoenzneix haeuj gyaeujcin,
Caenhsim daeuj eu fwen;
Fwen youq lueg bya rwenz,
Cienz sei q fueng bet bai h.

Binghdoeg moq feiyenz,
Dangyienz fuengzhoh ndei;
Baenz gou youq gizneix,
Lwnh vunzlai caez rox.

Dangyienz au fuengzhoh,
Binghdoeg coh ndaw ndang;
Daegbied youq Vujhan,
Daih bang vunz deng gvaq.

Saedcaih yaek okdou,
Rox geiq daep goujcau;
Mbouj caeuq vunz doxgyau,
Gaej yungh lau binghdoeg.

Cwngfuj roengz banhfap,
Aeu cap max daeuj geiq;
Youq duenh seizgan neix,
Raeuz gaej luenh hwnjroengz.

Ndawranz hai congheung,
Vunz cuengq hei q couh soeng;
Heiq caeuq rumz ndaej doeng,
Binghdoeg roengz hoj youq.

Haeuj ranz sien swiq fwngz,
Gou mwngz caez geiq maenh;

Cawz doeg raeuz caemh faenh,
Ndangcangq caenh baengh raeuz.

Cawj byaek au cawj gug,
Gug di mbouj ndaej lauq;
Ndawranz au gaenx sauq,
Cijndaej bauj cinghseuq.

Aen dangj raeuz au saenq,
Gaej saenq vahgyaj riuz;
Mbouj dwg gangj vahriu,
Binghdoeg biu mbouj hingz.

Ndaw singz daengz lajmbanj,
Aeu ganjvai q gag rox;
Ganbu caeuq nungzhoh,
Bouxbox goj geiq caez.

Danghnaeuz ndang mbouj cangq,
Gag rox rau ndangraeuj;
Langh fatndat hwnjdaeuq,
Couh caeux yawj canghyw.

Caeux yw caeux gekliz,
Ndei vai q hix mbouj lah;
Binghdoeg doeg cixbah,
Daihgya mbouj yungh lau.

Bueguh cai q bueguh,
Binghdoeg mbouj nguh dingj;
Daihgya cungj sim dingh,
Vunz cingx hix ndangcangq.

Geiq ndaej Aulungzgeiz gaenq gangj gvaq, duz ngwz hung goj au byairieng guh din, daengx ndang lumj diuz faexsax nei daengj hwnjdaeuq, couh lumj dwk naq nei mbin okbae. Giz gou ndwn mboujsuenq sang, cijaeu ndang de daengj dingz he, couh ndaej haeb din gou. Cai q gangj gou gaenq ndwn mbouj maenh lo, lauhei q mbouj au deq de daengj ndang, couh yaek gag doek roengzbae, doek daengz henz bak de deng de haeb lo.

“Su——”

Sing yiengj ndeu, lwgda gou baez laep, duzngwz hung daengj hwnj ndang yaek haeb gou lo! Daengx ndang gou baez unq, doq got maenh gyaeuj saeceijrin, ca di couh yaek doek roengzbae lo. Lwgda gou youh

•Sawcuenhraz Lwngyez•

Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

dauq rongh lo, cij raen diuz nyecuk deng gveng daengz henz, youq gwnz benjrin diuq le geij mbat, vang youq cungqgyang duzngwz hung caeuq saeceijrin, duzngwz hung beij nyecuk hung lai lo. Gou rox diuz nyecuk duh faglem “Lij Bu”, Ah Gunh simndei yaek bang gou, daj gwnz mohgungj gveng gvaqdaeuq haep duzngwz hung, hoeng gou yousim baenzneix duzngwz

neix dauqfanj deng gik, engq haenq daeuj haeb gou……

Gizsaed, seizde gou maz cungj mbouj siengj lo, linjbyubyu ndaej gij hoenz gou cungj deng sanq caez, mbwn baenqlulu, mboek saenqfwen-fwen, saeceijrin yauzngengngeng, ndang gou hix saenzdwdwd, song fwngz mazmwnh dwk bae got gyaeuj duh saeceijrin, song din mbouj

dingqgangj gwq conj roengz, duzngwz hung cijaeu loq ngiengxgyaeuj iet hoz, couh ndaej haeb gai q noh ga gou bae lo.

Gaej yawj nyecuk neix mbouj beij duzngwz neix raez mbouj beij de hung, hoeng, youq gwnz benjrin diuq le geij baez, gingqyienz hix haep ndaej duzngwz neix nyengh bae. Cij raen de youq gizgaeuq daengx le yaep he, loq daengj hoz, biqbic diuz linxgaeq hoengzmaeq, aen ndang niuj dwk, baez baenq, nod coh baihlaj mohgungj bae. Gou gig sim'angq, gij hoenz dauqma dingz ndeu lo, guiz gyaeuj heuh coh Ah Gunh gyoengqde:

“Yawj ha! De bae ra sou lo!”

(caengz sat)